



知試錄

三年



順天鄉試錄序

欽惟我

皇上建學右文敦崇經術閱三載而賓興之厥  
典茂焉乾隆三十有三年歲紀戊子秋八  
月

特命臣宗楷偕臣景福典順天試事進學政臣  
蔡新所錄士及國子諸生總八千五百有  
奇三試旣竣臣等謹率同考官少詹事臣  
曾敞臣巴彥學臣筠庶子臣謙恒贊善臣

承恩司業 臣蔡元修撰 臣書勲編修 臣爲  
霖 臣學曙 臣雍植 臣士駿給事中 臣棫士  
御史 臣曰佩郎中 臣超然 臣源員外郎 臣  
霽 臣策悉心披閱得士如額擇其言尤雅  
者敬呈

乙覽 臣謹拜手稽首颺言簡端竊惟文所以  
貫道而經所以製式劉勰云論說辭序易  
統其首詔策章奏書發其源賦誦歌讚詩  
立其本銘議箴祝禮總其端紀傳移檄春

秋爲根又云文能宗經體有六義一則情  
深而不詭二則風清而不雜三則事信而  
不誣四則義直而不回五則體約而不蕪  
六則文麗而不淫凡此者皆以云式也夫  
建言修辭必本經爲準繩沿波而討源斂  
華而就實庶幾爾雅深厚彬彬乎有三代  
之風與我

國家光昭文治如日中天科目得士後先相  
望靡不取鎔經義自鑄偉辭以蔚爲國華

蓋川岳氣完人文萃焉洵十載一時之嘉會也我

皇上加意作人振興文教

頒四經三禮於黌宮俾沉酣六學知所涉歷復諭以衡文之則務在清真雅正海澨山陬咸思自奮於斯文况

京師爲首善之地近

光最切被

澤尤深疇不和聲以鳴盛也哉夫清真雅正者

衡文之鵠而求克副乎清真雅正之訓端自窮經始經學旣明則浮艷胥捐清也僞體俱刊真也鄙倍斯遠雅也龐雜不作正也臣蒙

恩擢任祭酒二十餘年朝考夕稽惟舉通經之說以相勗始望析其章句繼欲探其義蘊舍經則無以爲訓迪也丙戌春臣蒙

恩勩禮闈盛典口吟手披惟挾尊經之旨以爲衡合乎理者錄之背乎法者黜之舍經更

無以爲去取也邇者多士雲集  
闕下以待舉臣以遲暮之年屢被

榮施獲司文枋程硃較墨之間屏其支離汰其  
繁冗絕其駁雜去其詭譎和平中正不愧  
乎經義之名者甄而錄之時懸一清真雅  
正之的於心目之間自不敢背之而馳士  
不通經不足用于文已見一斑此平時之  
所以課士於東序與前日之所以操選於  
南宮者固無殊軌也旣撤棘遂進諸生而  
告之曰今日之經術卽異日之經濟也輪  
轅致飾輦組侈華曷以光茲鉅典乎蓋約  
六經之旨以成文應舉者之羔雁在斯衡  
才者之尺度亦在斯皆蘄各盡乃心以不  
負

聖天子風勵實學嘉惠儒林之至意爾

兵部尚書仍兼管國子監事務 臣陸宗楷  
謹序

監臨官

經筵講官刑部尚書兼管順天府府事務

裘日修

江西新建縣人  
己未進士

順天府府丞授都察院副都御史紀錄四次

蔣元益

江蘇長洲縣人  
乙丑進士

提調官

順天府府丞紀錄四次

陳桂洲

福建南安縣人  
壬戌進士

內場監試官

江南道監察御史加三級紀錄三次

誠 和

正白旗滿洲人  
監生

掌雲南道監察御史加二級紀錄三次

成 德

正藍旗滿洲人  
內閣中書

山東道監察御史紀錄五次

王士侗

鑲紅旗漢軍人  
癸丑進士

掌廣西道監察御史紀錄八次

唐淮

浙江秀水縣人庚辰進士

外場監試官

河南道監察御史兼會館總辦紀錄四次

富爾敏

鑲藍旗滿洲人監生

兵部掌印給事中加一級

明善

正白旗滿洲人貢生

江西道監察御史

梁英佐

廣東嘉應州人丁丑進士

掌陝西道監察御史軍功加一級紀錄四次

金雲槐

安徽歙縣人辛巳進士

考試官

兵部尚書仍兼管國子監事務

陸宗楷

浙江仁和县人癸卯進士

都察院都御史兼佐領稽察貢舉宗學紀錄

景福

鑲白旗滿洲人壬申進士

內簾監試官

京畿道監察御史紀錄五次

錦格

正紅旗滿洲人

陝西道監察御史

王猷

奉天義州人壬申進士

同考官

曩書館庶務處詹事兼翰林院侍講學士

張曾敞

安徽桐城縣人辛未進士

署講官詹事處庶務兼翰林院侍讀學士

韋謙恒

安徽蕪湖縣人癸未進士

翰林院侍讀學士

巴彥學

鑲白旗滿洲人辛未進士

翰林院侍讀學士紀錄五次

朱筠

順天大興縣人甲戌進士

翰林院編修

饒學曙

江西廣昌縣人辛未進士

乾隆三十三年



翰林院編修 蔣雍植

安徽懷寧縣人 辛巳進士

翰林院編修紀錄二次 熊為霖

江西新建縣人 壬戌進士

翰林院編修加二級 沈士駿

江蘇元和縣人 辛巳進士

翰林院編修撰 張書勳

江蘇吳縣人 丙戌進士

詹事府左春坊左贊善 秦承恩

江蘇江寧縣人 辛巳進士

兵科給事中紀錄七次 范棫士

江蘇華亭縣人 壬申進士

京畿道監察御史紀錄一次 何日佩

廣東德慶州人 丁丑進士

吏部考功清吏司郎中加二級紀錄一次 孟超然

福建閩縣人 庚辰進士

戶部山東清吏司郎中紀錄二次 戈源

直隸獻縣人 甲戌進士

戶部廣東清吏司員外郎加級紀錄一次 張霽

浙江錢塘縣人 壬申進士

兵部武選清吏司員外郎加級 錢策

江蘇長洲縣人 甲戌進士

國子監司業 朱棻元

浙江錢塘縣人 甲戌進士

督理稽察左翼

鑲黃旗漢軍副都統暫署正白旗漢軍副都統事務兼佐領紀錄七次 艾肇昌

鑲黃旗漢軍人 廕生

正白旗滿洲參領兼佐領紀錄一次 輝德

正白旗滿洲人 筆帖式

鑲白旗滿洲佐領加三級紀錄一次 納清厄

鑲白旗滿洲人 貢生

督理稽察右翼

正紅旗護軍統領兼黃旗蒙古副都統管理左翼官學勳舊佐領加一級 書泰

正黃旗滿洲人 佐領

正紅旗滿洲副叅領紀錄六次 順保

鑲紅旗滿洲佐領紀錄二次 常福 正紅旗滿洲人筆帖式 鑲紅旗滿洲人職

內收掌官

禮部主客清吏司主事 張鳳書 雲南通海縣人壬戌進士

外收掌官

國子監學正加一級 麥佑 廣東香山縣人己卯舉人

印卷官

署廣濟堂典藥錄架級紀錄九次 蘭第錫 山西吉州人庚午舉人

受卷官

戶部山西司主事紀錄四次 永慧 鑲黃旗蒙古人壬申舉人

刑部陝西司員外郎加一級紀錄三次 江世琳 廣西興安縣人己酉舉人

刑部雲南司員外郎加三級紀錄七次 方鳳 湖南巴陵縣人丙辰舉人

工部屯田司員外郎紀錄二次 福昌阿 正白旗滿洲人丙辰舉人

彌封官

內閣中書加三級紀錄四次 吳寬 安徽歙縣人欽賜舉人

內閣中書加一級紀錄二次 吳瓌 浙江桐鄉縣人己卯舉人

戶部山東司主事加一級 孫嘉樂 浙江仁和县人辛巳進士

刑部漢檔房堂主事紀錄二次 興鼐 正藍旗滿洲人乙酉舉人

膳錄官

戶部江西司主事 篤寬

鑲黃旗滿洲人丙辰舉人

兵部職方司額外主事 張鈞

陝西西鄉縣人癸未進士

兵部司務兼職方司事務 廖友尚

湖南瀘溪縣人癸酉舉人

詹事府堂主簿 于超

順天大興縣人乙丑進士

對讀所官

刑部直隸司員外郎 邵隨龍

河南祥符縣人甲子舉人

吏部文選司額外主事 王汝璧

四川銅梁縣人丙戌進士

國子監學正 劉光第

陝西鄠縣人乙卯舉人

總理供給官

順天府督糧通判 黃馨世

山東卽墨縣人貢生

供給官

順天府大興縣知縣加五級紀錄九次 蘭第錫

山西吉州人庚午舉人

順天府宛平縣知縣加一級紀錄三次 趙爾璽

江西吉水縣人戊午舉人

內委官

順天府大興縣典史加三級 馮騰

浙江山陰縣人供事議敘

順天府宛平縣典史加一級 蔣廷謨

浙江山陰縣人監生

外委官

順天府宛平縣縣丞加一級紀錄二次

單系姬

山東高密縣人副榜

順天府宛平縣縣丞加一級紀錄二次

許開勳

河南禹州人監生

監場官

巡捕中營遊擊加一級

承德

鑲紅旗滿洲人前鋒校

監門官

右安門千總紀錄五次

李克私

正紅旗漢軍人武舉

東便門千總

八十五

正白旗漢軍人武舉

搜檢官

廣寧門城守禦加四級紀錄三次

祖廷機

正黃旗漢軍人武舉

城守禦紀錄三次

徐宗烈

鑲紅旗人武舉

廣渠門千總候補守備

長海

正黃旗漢軍人武舉

西便門城守禦千總

鄭德新

鑲藍旗漢軍人武舉

巡綽官

中營守備加三級紀錄三次

苗玠

順天大興縣人伍

南營守備加一級紀錄一次

楊彪

順天宛平縣人伍

南營候補守備紀錄二次

傅賡揚

湖北江夏縣人武舉

北營守備加三級紀錄四次

李寬

順天大興縣人伍

供事官

順天府滿洲儒學教授 傅 彬

鑲黃旗滿洲人丙子舉人

順天府滿洲儒學訓導 福 山

鑲白旗滿洲人歲貢

順天府儒學教授加二級 王 鎮

直隸滄州人辛巳進士

順天府經歷司經歷加三級 張天昇

山西代州人監生

順天府照磨所照磨加二級 蕭應輝

江西安福縣人監生

順天府霸州儒學學正 郭數仞

直隸隆平縣人丙午舉人

順天府東安縣儒學教諭 金恢祖

直隸任邱縣人歲貢

順天府武清縣儒學教諭 范廷鈞

直隸景州人壬子舉人

順天府通州儒學訓導 鄧時中

直隸樂城縣人貢生

順天府密雲縣縣丞 林恭策

福建福清縣人癸酉舉人

順天府涿州州判 陳元恕

福建永安縣人廩貢

順天府大興縣縣丞 楊大猷

江南懷寧縣人副榜

借補順天府良鄉縣縣丞試用知縣 池鳳毛

福建浦江縣人丙子舉人

署順天府房山縣縣丞試用知縣加級 江啟澄

福建海澄縣人庚辰舉人

順天府昌平州吏目 周金勳

河南濟源縣人貢生

順天府通州吏目 王鴻耀

山東諸城縣人監生

順天府大興縣禮賢司巡檢 湯三益

浙江仁和縣人監生

順天府宛平縣石港司巡檢 祝其葑

江蘇丹徒縣人吏員

順天府大興縣黃村司巡檢 何 篇 山西安邑縣人增

順天府武清縣楊村司巡檢 朱啟發 浙江會稽縣人吏

順天府武清縣河西務巡檢加三級 鄭 謙 江蘇通州人監

順天府保定縣典史候補主簿加二級 沙 洪 江蘇通州人優生議敘

順天府寧河縣蘆臺司巡檢加三級 于世寧 江蘇金壇縣人吏

順天府房山縣磁家務巡檢加二級 陳 棠 四川巴州人吏

順天府薊州中營巡檢 李 麟 浙江桐廬縣人吏

內簾供事

吏部書吏 范尚志

戶部書吏 胡戴厚

兵部書吏 徐邦泰

刑部書吏 周啟渭

工部書吏 陶 鑄

都察院書吏 陳惠元

通政司書吏 朱作統

大理寺書吏 陳錫永

乾隆三十三年戊子科順天鄉試題目

第壹場

欽命四書題

言悖而出者亦悖而入貨悖而入者亦悖  
而出

子曰吾見其居於位也見其與先生並行  
也

觀水有術必觀其濶日月有明容光必照  
焉

論

見其大則心泰

第貳場

易

純粹精也

有孚惠我德

成性存存道義之門

萬物之所說也

書

詩言志歌永言

若農服田力穡乃亦有秋

五者來備各以其敘

有倫有要

詩

蒹葭采采白露未已

吹笙鼓簧承筐是將

古訓是式

有飶其香邦家之光



春秋

秋七月 隱公六年

秋楚人圍許諸侯遂救許 僖公六年

晉侯使士匄來聘 襄公八年

公會吳于橐皋 哀公十有二年

禮記

春秋教以禮樂

宵雅肄三官其始也

和順積中而英華發外

懷忠信以待舉

欽命詩題

賦得白駒空谷 得心字五言八韻

第叁場

策伍道

問古者之史記言記事而其本實出於經

藝文志所稱言為尚書事為春秋是也

尚書之體為紀傳漢司馬遷以下二十

二史因之春秋之體為編年左氏述之

能言其體之所以分歟編年之體自左氏而後漢有荀悅漢紀晉有袁宏後漢紀與班范二書並傳孰短孰長詳略互見能約舉之歟隋王通作元經以擬春秋後儒譏其僭而薛氏之傳具在固編年之體也其於六代之事果能詳歟唐杜延業作晉春秋略宋陳彭年作唐紀范質作五代通錄皆沿斯體載在著錄能略言作書之旨歟仁宗治平中司馬

光始奉詔編集通鑑一書厥功最鉅其時分任者則劉貢父劉道原范純甫諸人其分代先後能指之歟採錄之書自正史而外如崔鴻十六國春秋蕭方等三十國春秋此外尚有何書歟唐以下則於稗官百家譜錄碑碣俱不敢忽如書鄴侯之事則采於家傳敘臨淮之戰則出於豐碑其餘尚可證其一二歟夫觀大目錄則知年經國緯之昭晰觀修

書帖則知抉摘按訂之精詳觀考異則知舊史衆說之同異溫公自謂平生精力盡於此書能言其得力之處歟朱子因溫公舉要及胡文定公補遺二書別爲綱目表歲以首年因年以著統大書以提要分注以備言其大書之例有二分注之例有四可詳陳歟凡例一冊分十九門畀門人趙訥齋續成之說者以爲未盡詳謹果能不失朱子之意否歟

王慈湖作集覽人名地名徵引頗詳其他如尹起莘之發明汪克寬之考異陳濟之集覽正誤亦可以備參攷歟補溫公之闕者薛應旂王宗沐也拾朱子之遺者商輅也若諸書者果能繼美前人歟我

皇上因內府所貯明臣李東陽焦芳等通鑑纂要一書簡陋殊甚

特纂通鑑輯覽自伏羲以迄元明考禮樂以等

百世之王稟權衡以定一中之極  
親御丹毫詳加釐定發先聖之旨正前史之譌  
折羣論之至衷垂萬世之成憲於以上  
繼麟經遠稽媯典更非涑水紫陽所可  
比擬皇哉備史之體而執經之心矣諸  
生伏誦一百十六卷之書悉考四千五  
百年之事必有經經緯史以闡發精微  
者其悉以對

問興賢育才莫重乎學校而國學爲首善

之地敷典迪常厥制鉅焉粵稽四代虞  
則上庠下庠夏則東序西序商則右學  
左學周則東膠虞庠孰爲太學孰爲小  
學能言其義歟周又有璧雍成均瞽宗  
之名其地其義同歟否歟董仲舒傳云  
太學者賢士之所出漢立太學其始於  
是歟後漢建武五年建太學園橋之制  
尚可稽歟新唐書選舉志國子監所統  
國子太學廣文四門律書算凡七學而

舊唐書祇云太學何歟其後又有司成館成均監之設可考其沿革歟宋制凡學皆隸國子監元祐時所定規條能縷晰歟明初立學尋改爲監後又有南北雍之分可溯其所自歟古者國有史官有典唐六典始詳九寺五監之名文獻通考始載紹興貢舉法紹興監學法非成均之通志也前明作者有太學志南雍志辟雍紀事諸書皆略而不詳未可爲典要諸生有能指其疎漏者歟我朝建置太學培養人材振興文教規制恢宏遠軼前代

皇 加意作人居以廨舍給以廩餼近復重修文廟煥彩宮墻槐市生徒靡不鼓舞奮興茲恭纂

皇朝太學志一書證類分門列爲十五晰以衆目五十餘條

宸章之鉅麗典禮之崇隆

恩澤之優渥其何以導揚美盛歟且

國家五典咸昭百度悉舉凡義節律呂之詳  
明人物官師之案列古蹟逸事之類舉  
何以臚載無遺歟諸生鼓篋懷鉛旁搜  
博采其彙而述之以爲編摩之一助云  
問虞夏以來則壤成賦規制屢更而司馬  
法謂治人之道地著爲本故準尺步以  
定畝因提封以選卒車甲馬牛於是乎  
出寓兵於農之論以略可得聞歟後世

邊塞多警將以有饋饌而防侵軼則屯  
田之制興焉漢書載昭帝始元二年發  
習戰射士調故吏將屯田張掖郡而其  
先已有募民徙塞下之議宣帝命將擊  
先零羌因有屯田十二便之奏其建白  
者何人明帝取伊吾地置宜禾都尉屯  
田以通西域其踵事者何代唐開軍府  
以扞要衝因隙地置營田其行於各州  
鎮者幾何且屯與營之異名者奚若顧

其作輟無常俱非永制能言其大槩歟  
宋之屯田營田諸務就其最著者如何  
承矩歐陽脩諸人較諸葛孔明之於渭  
濱羊祜杜預之於荆襄果可相提而並  
論歟

國家統一寰宇休養生息稅斂務從其薄力  
役已免其征斯民沐浴詠歌久已淪肌  
浹髓我

皇上聖武布昭戡定新疆天山南北拓地二萬  
餘里準回兩部悉入版圖駐兵屯田爲  
萬世利伏覩

神謨廣運惟由近及遠次第舉行故自闢展至  
烏魯木齊城堡相望始因從征執役之  
便繼以弛刑應募之徒至伊犁爲準部  
要地向役回人以佃俾仍相伙助而各  
城伯克傳送之在內地無絲毫費十數  
年來雨暘時若收穫充羨而哈薩克布  
魯特諸外藩輸誠內附咸通市易以資

耕牧故司農所覈陝甘經費較前撙節  
貿遷客民漸成土著將來戶口歲增汗  
萊日闢遐方物產更可灌輸內地無業  
貧人兼得轉移執事中外臣民宴然若  
行所無事不獨舉屯田營田之政而兼  
綜之實與三代之分田教稼無殊軌誠  
不言之美利無外之良規也多士學期  
經世尚敬述所聞  
問長吏者親民之官所以興利除弊戢姦

慝衛善良也周官司徒掌六鄉鄉師分  
而治之自鄉大夫而下有州長黨正族  
師閭胥比長之屬比長各掌其比之治  
五家相受相和親有臯奇衰則相及是  
以里無閒民民無游業居皆勸功樂事  
之人出無游手末作之患歲終則會以  
察吏治之媿惡而誅賞焉後世保甲之  
令其權輿於此歟漢興舉民年五十以  
上有修行能帥衆爲善者復勿繇戍十



里一亭亭有長十亭一鄉鄉有三老三老掌教導嗇夫職聽訟收賦稅游徼掌巡禁司姦盜里有里魁民有什伍檢察善惡以達監官是以去舊里者必告入新鄉者無容其立法之意與三代異同者安在唐令以百戶爲里五里爲鄉四家爲鄰三家爲保在邑居者爲坊在田野者爲村各置正一人督察姦非其法可得聞歟宋循唐制里正戶長鄉書以課督賦稅耆長弓手壯丁以逐捕盜賊當時韓琦蔡襄已極論其弊其故何歟熙豐間王安石創行保甲之法其時文彥博馮京諸人雖皆有異議後此卒莫能廢經畫利弊厥道何由夫有治人乃有治法昔管子行軌里連鄉之政而齊國治朱博治勃海擇郡縣豪傑爲吏責辦盜賊韓延壽治潁川置正五長有竊發吏輒聞知王守仁治南贛行十家牌

撫江西時令九姓漁戶什伍編次其規模措置能覩縷言之歟我

皇上愛養黎元慮無不周法無不至嘗

特頒諭旨令直省督撫陳奏各省辦理保甲情形凡州縣吏之膺循卓者必以力行保甲爲課最守土大吏誠能整飭屬邑禁約齊民務以正人心而淳風俗則兩漢循良之化再見三古聯計之法可行所謂責實循名通經飾治廩廩君子之遺

風者此也諸生自田間來必有熟悉保甲之利弊者其各摭所見將以覘實用焉

問書卜瀍澗詩歌灋渭自古稱王者宅中風雨所會鄭白之沃衣食京師有自來矣我

朝建都經野澹滄決川直隸全省大川凡八  
曰灤河曰白河曰桑乾曰易水曰滹沱  
曰清漳曰濁漳曰衛水諸水並自西來

繞京師之南北而東流以入海能言其  
前後遠近之序歟衛水漳水見尚書滹  
沱見周禮禮記戰國策桑乾古治水見  
漢書易水見周禮及戰國策白河古鮑  
邱水一曰潞水灤河古濡水並見水經  
注能略舉其稱名之自歟諸水源出何  
地所過何縣所入何處能詳之歟諸水  
惟灤水自入海而其他皆入小直沽以  
入海中間會滙同流具有次第能一一  
指其要歟夫諸水旣入小直沽矣而又  
有大直沽北首受之以南放乎海浩衍  
渟蓄灌輸衆流於是諸泊以宣其勢諸  
淀以舒其歸而疏導之必講也諸水旣  
歸海矣而瀕海之旁灌溉之資民生是  
賴於是海河有堤堤間有閘時潦則發  
之愆陽則收之而啟閉之必時也津滄  
之間爲東南一大都會若齊則無棣之  
故跡漢則勃海之雄郡大鼎之所開濬

承矩之所建築永徽端拱前賢治功猶有存者能數其卓卓耳目者歟

皇上保惠元元首先畿輔往者滹沱下流子牙波溢康熙中嘗築東西兩堤於焦家口別開新河以疏淀水設官董之旣而子牙之流逕王家口以入淀者復橫亘爲堤患雍正初以廷臣請障厥西流用奏底績乃者河益南徙諸支多淤而其自大城及青及靜海以入淀者又分東西

二支有

詔改支河爲正河改正河爲支河皇上特幸天津以觀其成事又別築雙港閘於灰堆白塘二閘之間而

躬莅乎海河之堤上其所以勤民而奠厥攸居者如此其至也諸生生長太平沐浴涵濡三輔之士尤切其悉以匠人之所掌水經之未盡者著於篇

中式舉人二百三十一名

第一名

辛開一

順天府宛平縣附學生

詩經

第二名

邵昌皋

浙江杭州府仁和縣優異星鑲紅旗齋

書經

第三名

汪師曾

江南蘇州府吳縣歲貢生

春秋

第四名

張奇毓

直隸天津府天津縣副榜貢生

易經

第五名

湯大源

江南蘇州府長洲縣俊秀監生

禮記

第六名

鄭陳善

浙江杭州府臨安縣歲貢生

易經

第七名

熊言孔

順天府大興縣廩膳生

書經

第八名 黃軒 江南徽州府休寧縣廩貢生 詩經

第九名 謝肇渚 順天府通州俊秀監生 詩經

第十名 夏璇源 江南松江府婁縣拔貢生 書經

第十一名 姚能士 順天府大興縣附學生 易經

第十二名 寧貴 鑲黃滿都統裒素謀佐領漢軍鑲黃旗滿都統裒素謀佐領漢軍鑲黃旗 書經

第十三名 汪夢旗 江南揚州府儀徵縣歲貢生 詩經

第十四名 汪佑煌 江南松江府上海縣副榜貢生 易經

第十五名 王用儀 江西吉安府廬陵縣拔貢生 詩經

第十六名 涂長發 江南江寧府江寧縣增監生 易經

第十七名 王珣 江南太平府當塗縣副榜貢生 春經

第十八名 王廷相 順天府薊州廩膳生 詩經

第十九名 吉士璜 江南鎮江府丹陽縣俊秀監生 易經官

第二十名 和寧 鑲黃旗蒙古都統碧佐領附學生 詩經

第二十一名 袁其柵 四川成都府郫縣拔貢生 易經

第二十二名 葉大奇 順天府宛平縣俊秀監生 書經

第二十三名 胡滕基 福建汀州府長樂縣貢生 春經

第二十四名 蔡長汧 福建漳州府漳浦縣優貢生 易經

第二十五名 張元愷 正黃旗漢軍都統祖端佐領廩膳 詩經

乾隆三十三年

第二十六名 傅元瑒 直隸永平府臨榆縣廩膳生 書經

第二十七名 陳嗣龍 浙江嘉興府平湖縣拔貢生 易經

第二十八名 吳潮模 江南江寧府江寧縣拔貢生 詩經

第二十九名 張大振 順天府宛平縣附學生 詩經

第三十名 姜大恂 直隸天津府滄州附學生 易經

第三十一名 馮履豐 山西代州附監生 禮記

第三十二名 景文 正藍旗滿都統包壽琦佐領附學生 易經

第三十三名 毛鳳儀 江南蘇州府吳縣俊秀監生 書經

第三十四名 黃瀛元 浙江杭州府於潛縣拔貢生 詩經

第三十五名 梁承泰 正藍旗滿都統喻達佐領增廣生 詩經

第三十六名 張虎拜 直隸天津府滄州廩膳生 書經

第三十七名 張珠 順天府宛平縣附學生 春秋

第三十八名 楊以浚 江西建昌府新城縣拔貢生 書經

第三十九名 王春煦 江南松江府婁縣拔貢生 詩經

第四十名 邱青藜 廣東潮州府饒平縣拔貢生 易經

第四十一名 吳來儀 直隸定州廩膳生 春秋

第四十二名 楚惟榮 鑾儀衛滿都統包壽琦佐領附學生 詩經

第四十三名 卜惟吉 直隸天津府天津縣副榜貢生 書經

乾隆三十三年

三

第四十四名 陳惠言 直隸天津府天津縣附學生 詩經

第四十五名 嵩慶 晉冀州都統慶豐營領漢軍廩膳 書經

第四十六名 吳熊光 江南蘇州府昭文縣歲貢生 易經

第四十七名 吳嗣德 浙嘉興府秀水縣歲貢生 詩經

第四十八名 邊時舉 直隸河間府任邱縣附學生 書經

第四十九名 紀曾符 順天府文安縣廩膳生 詩經

第五十名 圖薩布 正紅旗滿洲都統彭紹佐領下監生 春秋官

第五十一名 蔡齊明 四川潼川府安岳縣拔貢生 易經

第五十二名 陳賓 江南常州府陽湖縣俊秀監生 書經

第五十三名 李典 江南徐州府銅山縣歲貢生 詩經

第五十四名 陳詠 直隸天津府天津縣廩膳生 易經

第五十五名 謝暹 順天府宛平縣廩膳生 書經

第五十六名 梁嘜 山西平陽府洪洞縣歲貢生 書經

第五十七名 劉圖南 江南常州府武進縣俊秀監生 詩經官

第五十八名 邵利達 直隸天津府天津縣廩膳生 詩經

第五十九名 吳哲 順天府宛平縣附學生 易經

第六十名 沈玉魁 直隸河間府故城縣廩膳生 易經

第六十一名 許學范 浙江杭州府錢塘縣俊秀監生 易經



第六十二名 張時憲 浙江杭州府仁和縣拔貢生 詩經

第六十三名 蔣謝庭 江南蘇州府長洲縣拔貢生 書經

第六十四名 張欽 順天府良鄉縣廩膳生 詩經

第六十五名 張俊民 直隸天津府天津縣附學生 易經

第六十六名 李斯咏 直隸保定府雄縣歲貢生 禮記

第六十七名 李簧 山東曹州府單縣優貢生候選 易經

第六十八名 恒明 鑾儀滿都統赫德領下廩膳生 易經

第六十九名 宋枋遠 江南蘇州府元和縣附監生 易經

第七十名 胡紀謨 順天府通州增廣生 詩經

第七十一名 李陽林 直隸河間府任邱縣附學生 書經

第七十二名 邊綸禧 直隸河間府任邱縣附學生 詩經

第七十三名 馬思聖 順天府寶坻縣廩膳生 書經

第七十四名 姚步瀛 陝西商州副榜貢生 易經

第七十五名 施光輅 浙江杭州府仁和縣歲貢生 禮記

第七十六名 劉元鼎 直隸保定府高陽縣附學生 易經

第七十七名 郭儀唐 直隸河間府任邱縣廩膳生 詩經

第七十八名 邊性敏 直隸河間府任邱縣增廣生 書經

第七十九名 鄭宗燮 江南江寧府江寧縣歲貢生 易經

第八十名 金光悌 江南六安州英山縣附監生 詩經

第八十一名 朱勤學 直隸廣平府威縣拔貢生 易經

第八十二名 周兆蘭 山西平陽府霍州俊秀監生 詩經

第八十三名 覺羅德興 正紅旗滿洲都統覺羅金良領監生 詩經

第八十四名 文齡 鑾儀漢軍都統胡世隆領附學生 易經

第八十五名 陳文樞 浙江杭州府海鹽縣監生 禮記

第八十六名 孫永清 江南常州府金匱縣增監生 書經

第八十七名 王賜均 陝西榆林府神木縣拔貢生 書經

第八十八名 邊開禧 直隸河間府任邱縣附學生 詩經

第八十九名 王殿模 直隸保定府清苑縣廩膳生 易經

第九十名 金思義 直隸天津府天津縣廩膳生 易經

第九十一名 楊夢龍 甘肅寧夏府寧朔縣監生 詩經

第九十二名 永錫 貴州滿洲都統衣托佐領下副榜監生 書經

第九十三名 張珣 直隸廣平府魏縣監生 易經

第九十四名 劉禮 山東青島府諸城縣俊秀監生 春秋

第九十五名 焦長發 直隸定州隴縣拔貢監生 詩經

第九十六名 高虞祥 直隸河間府任邱縣廩膳生 易經

第九十七名 沈以顯 直隸天津府滄州南學附學生 春秋

乾隆三十三年

三

第九十八名 楊懋德 順天府大興縣增廣生 易經

第九十九名 項朱 直隸天津府天津縣附學生 禮記

第一百名 王麗熹 江南常州府無錫縣俊秀監生 書經

第一百一名 葛建楚 山東曹州府濮州歲貢生 詩經

第一百二名 張士鑰 河南歸德府寧陵縣拔貢生 書經

第一百三名 逢盛 鑲黃滿都統覺羅扎拉芬領監生 易經

第一百四名 剛柱 鑲黃滿都統珠爾蘇圖領俊秀監生 易經

第一百五名 陸敬 江南蘇州府吳縣附監生 春秋

第一百六名 張兆星 江南松江府婁縣副榜星侯選蘇 易經

第一百七名 沙士熾 順天府武清縣增廣生 易經

第一百八名 馮邁 直隸永平府臨榆縣廩膳生 書經

第一百九名 趙吉蘭 直隸保定府定興縣廩膳生 書經

第一百十名 馮世機 鑲黃滿都統康景星領拔貢生 春秋

第一百十一名 張百齡 鑲黃滿都統慶豐領拔貢生 詩經

第一百十二名 包百行 順天府宛平縣歲貢生 詩經

第一百十三名 田賦均 順天府大興縣俊秀監生 易經

第一百十四名 馬衍宗 直隸宣化府西寧縣廩膳生 詩經

第一百十五名 元振采 直隸天津府靜海縣拔貢生 易經

第一百十六名 興德 正黃旗滿洲都統永來佐領下廩膳生 書經官

第一百十七名 明良 黃旗滿洲都統內府金輝佐領下廩膳生 詩經

第一百十八名 覺羅達宗阿 藍旗滿洲都統覺羅紹佐領下拔貢生 詩經

第一百十九名 劉瞻雲 直隸保定府祁州廩膳生 春秋

第一百二十名 邊玉琛 直隸河間府任邱縣廩膳生 書經

第一百二十一名 商璉 直隸正定府平山縣廩膳生 易經

第一百二十二名 邊士堪 直隸河間府任邱縣附學生 詩經

第一百二十三名 王應期 浙江杭州府錢塘縣附學生 易經

第一百二十四名 郝允哲 山東濟南府齊河縣拔貢生 書經

第一百二十五名 紀汝倫 直隸河間府獻縣拔貢生 書經

第一百二十六名 雙德 鑲黃滿洲都統包衣楚邦義佐領附學生 詩經

第一百二十七名 文殊保 鑲黃滿洲都統包衣起圖佐領廩膳生 春秋

第一百二十八名 賈肇新 順天府通州廩膳生 易經

第一百二十九名 曹德昌 直隸保定府新安縣廩膳生 易經

第一百三十名 蘇應龍 直隸河間府交河縣廩膳生 禮記

第一百三十一名 朱維鐘 直隸永平府盧龍縣廩膳生 書經

第一百三十二名 王柱 奉天錦州府義州附學生 詩經

第一百三十三名 趙瓌 順天府通州俊秀監生 春秋

第二百三十四名 劉詩 山東青州府諸城縣俊秀監 禮記

第二百三十五名 李道敏 山西大同府靈邱縣拔貢生 書經

第二百三十六名 焦式冲 山東濟南府章邱縣拔貢生 詩經

第二百三十七名 王鴻謨 直隸保定府雄縣拔貢生 春秋

第二百三十八名 解元燿 直隸河間府景州副榜貢生 易經

第二百三十九名 曾日景 廣東瓊州府陵水縣拔貢生 詩經

第二百四十名 覺羅長林 直隸滿洲都統覺羅紹領附學生 書經

第二百四十一名 覺羅長春 直隸滿洲都統覺羅程領附學生 書經

第二百四十二名 明新 直隸滿洲都統府明福管領漢軍監生 春秋

第二百四十三名 李敏仁 直隸保定府高陽縣廩膳生 易經

第二百四十四名 石棐 直隸冀州衡水縣廩膳生 書經

第二百四十五名 郭陞宗 直隸永平府臨榆縣廩膳生 詩經

第二百四十六名 蔡必昌 順天府宛平縣附學生 春秋

第二百四十七名 全柱 直隸滿洲都統登爾倫管領拔貢生 詩經

第二百四十八名 克興額 直隸滿洲都統薩津佐領下副榜貢生 易經

第二百四十九名 瑚圖禮 直隸滿洲都統輝德佐領下附學生 詩經

第二百五十名 李國瑋 山西汾州府介休縣拔貢生 詩經

第二百五十一名 王發傳 直隸正定府正定縣拔貢生 詩經

第二百五十二名 李敬憑 山東萊州府高密縣監生 易經

第二百五十三名 馮國培 江南常州府無錫縣監生 書經

第二百五十四名 四德 鑾彝滿洲府正官領漢書監生 詩經

第二百五十五名 李天培 直隸保定府高陽縣廩膳生 詩經

第二百五十六名 杜景湘 直隸廣平府清河縣增廣生 禮記

第二百五十七名 章兆基 直隸天津府滄州南籍附學生 易經

第二百五十八名 高為濟 直隸河間府任邱縣附學生 易經

第二百五十九名 額爾登額 鑾彝滿洲都統書員佐領監生 春秋

第一百六十名 福澤納 正黃旗滿洲都統寶廣領增廣生 詩經

第二百六十一名 黃廷璋 直隸宣化府宣化縣廩膳生 易經

第二百六十二名 陳文衡 直隸趙州寧晉縣拔貢生 詩經

第二百六十三名 衛統 山西澤州府陽城縣監生 詩經

第二百六十四名 侯澎 直隸河間府東光縣增廣生 易經

第二百六十五名 董瑞麟 直隸深州附學生 詩經

第二百六十六名 陳源燾 順天府宛平縣附學生 詩經

第二百六十七名 張亮 直隸永平府臨榆縣增廣生 春秋

第二百六十八名 李尙志 直隸保定府清苑縣增廣生 易經

第二百六十九名 范鏊 順天府大興縣附學生 禮記

第一百七十名 盛邦璋 順天府大興縣附學生 易經

第一百七十一名 古寧阿 正藍旗滿洲都統德敏佐領廩膳生 詩經

第一百七十二名 五十六 黃旗滿洲都統納翰佐領附學生 易經

第一百七十三名 修仁 鑲黃旗漢軍都統裕慶佐領廩膳生 春秋

第一百七十四名 康儀鈞 山西太原府興縣俊秀監生 易經

第一百七十五名 楊輝祖 直隸天津府天津縣廩膳生 書經

第一百七十六名 邵奎璧 山東濟南府歷城縣附監生 詩經

第一百七十七名 陰璿 直隸永平府樂亭縣拔貢生 春秋

第一百七十八名 張汝緒 直隸冀州南宮縣廩膳生 書經

第一百七十九名 楚惟寧 鑲黃旗滿洲都統裴楚邦義領增廣生 書經

第一百八十名 明倫 正藍旗滿洲都統府金輝佐領下廩膳生 春秋

第一百八十一名 克明 鑲黃旗滿洲都統府金管領漢軍廩膳生 禮記

第一百八十二名 陸倬 奉天錦州府錦縣廩膳生 書經

第一百八十三名 李咸一 直隸宣化府西寧縣增廣生 易經

第一百八十四名 李畏天 直隸河澗府任邱縣附學生 禮記

第一百八十五名 李鏡圖 直隸保定府高陽縣廩膳生 書經

第一百八十六名 王汝翼 直隸冀州南宮縣附學生 詩經

第一百八十七名 李士傑 直隸永平府灤州廩膳生 詩經

第二百八十八名 楊養心 直隸保定府蠡縣廩膳生 詩經

第二百八十九名 馮際盛 直隸天津府天津縣附學生 易經

第二百九十名 燕 崑 鑲黃滿洲都統訥書佐領附學生 詩經

第二百九十二名 德 瑞 鑲黃滿洲都統恩三翼領漢軍營廩 春秋

第二百九十二名 劉 模 鑲黃滿洲都統恩壽進領漢軍營廩 春秋

第二百九十三名 寶 熙 順天府大興縣附學生 詩經

第二百九十四名 德 布 正藍旗滿洲都統成佐領廩膳生 詩經

第二百九十五名 慧 林 鑲黃滿洲都統爾阿佐領附學生 書經

第二百九十六名 何廣生 奉天府承德縣增廣生 詩經

第二百九十七名 王 埏 直隸宣化府懷安州廩膳生 易經

第二百九十八名 王青箱 直隸河間府肅寧縣附學生 書經

第二百九十九名 劉見龍 直隸保定府清苑縣增廣生 易經

第二百一百名 徐元辰 順天府宛平縣附學生 詩經

第二百一百一名 王國隆 順天府武河縣附學生 詩經

第二百一百二名 張中行 順天府寧河縣廩膳生 春秋

第二百一百三名 劉廷獻 順天府寶坻縣附學生 禮記

第二百一百四名 楊克學 直隸定州曲陽縣增廣生 春秋

第二百一百五名 王 箴 直隸保定府雄縣廩膳生 易經



第二百六名 史積容 順天府宛平縣附學生 禮記

第二百七名 宋赫 直隸永平府撫寧縣廩膳生 春秋

第二百八名 白之綸 順天府薊州廩膳生 詩經

第二百九名 趙寶德 直隸深州安平縣增廣生 易經

第二百十名 洪道濟 直隸天津府天津縣附學生 易經

第二百十一名 李開圖 直隸保定府高陽縣增廣生 書經

第二百十二名 魏純 直隸大名府大名縣廩膳生 詩經

第二百十三名 潘中矩 直隸大名府元城縣廩膳生 詩經

第二百十四名 楊開基 直隸永平府灤州廩膳生 書經

第二百十五名 彭景宣 直隸保定府家蠡縣廩膳生 詩經

第二百十六名 紀承曾 順天府文安縣廩膳生 易經

第二百十七名 朱近曾 順天府宛平縣廩膳生 書經

第二百十八名 紀綿曾 順天府文安縣增廣生 易經

第二百十九名 王穎蕙 直隸河間府交河縣廩膳生 書經

第二百二十名 陳冰 直隸遵化州豐潤縣廩膳生 詩經

第二百二十一名 張肇揆 順天府宛平縣增廣生 書經

第二百二十二名 路逢吉 直隸廣平府永年縣廩膳生 詩經

第二百二十三名 李天挺 直隸保定府高陽縣附學生 春秋

第二百二十四名 王之屏 直隸冀州新河縣廩膳生 詩經

第二百二十五名 包豫觀 順天府涿州附學生 書經

第二百二十六名 平章 奉天錦州府錦縣附學生 春秋

第二百二十七名 康鐸 直隸正定府靈壽縣廩膳生 詩經

第二百二十八名 趙廷琰 直隸天津府靈山縣附學生 易經

第二百二十九名 吳際泰 直隸定州廩膳生 詩經

第二百三十名 魏浩 直隸保定府安州廩膳生 易經

第二百三十一名 查奕俊 直隸天津府滄州商學廩膳生 書經

第壹場

四書

言悖而出者亦悖而入貨悖而入者亦悖

而出

辛開一

同考試官翰林院侍讀學士紀錄五次朱筠 閱 薦

考試官 都察院左副都御史兼佐領 景福 批經籍之光流于既溢  
稽察左翊共宗學紀錄五次

考試官兵部尚書仍兼管國子監事務陸宗楷 批醞釀閱深符采彪炳

卽言以徵財聚之應而悖入者危矣夫一言之

出而悖且應焉益以見外本內末者之難有其財也彼悖入者不亦危歟君子將以明夫貨也以爲出之已者必思無拂乎人而取之人者尤必思可守于已斯亦人情之常耳若乃樞機不慎來違卒徵啟口之羞而哀益不平逆取早著負乘之象則卽所發以權所收而因以思夫人之所無者未得據爲已之所有也如財已聚矣民已散矣而聚者亦可以常聚乎今夫君子之通德類情也當深惟乎作之不順而人之興戎

召怨也尤莫切于言以爲階履順者占天祐之吉矣是訓是彝于焉定則胡爲樂莫予違竟不顧人之可畏也夫同心利斷而尚口致窮則一言苟或干先王非法之條而舌捫何及惠迪者來風動之休矣汝怨汝詈且以省愆胡爲肆焉罔忌絕不求我以自反也夫弗聽無稽而不磨有玷則一言苟或忘儉民顧箴之意而口逸難防悖而出者悖而入言猶如此矣以此見榮由已召亦辱自己生此其間之不爽毫釐者實相

因而至卽小懲大而知彼與此之必繫者在得  
平益以見取者欲盈則與者欲竭顧一時之好  
爲措克者方一舉而空以實喻虛而知上與下  
之交征者將無厭嗟嗟是貨也而竟可悖入乎  
貨悖而入猶得同夫言之悖者亦悖而入乎吾  
于是而爲悖者危焉一人不登土宜之賦入則  
經費無資而國何以國故天施地生日就盈數  
原以待王者之流通而何以如川之至者竟壅  
以自豐而不思夫理之順哉夫自則壤納服以

來州有錫貢不聞歲增其額柰何惡其棄于地  
旋好而實諸庭斯無論莫之典司致啓慢藏之  
誨卽傾身以爲之障終有甚于不密之災也逆  
理而來亦逆理而去一如酬酢之常而已矣萬  
邦咸供天府之度支則轉圜立法而財當其財  
故男耕女績物有滯時羣藉夫大君之輔相而  
何以如鷲之取者竟據以自肥而不問其情之  
安哉夫自體國經野以還官有終會不聞人得  
而私柰何稼穡者作之甘而醉飽者忘其苦斯

不待冒于貨賄會見生孽之期方設智而意其藏固已成夫將潰之勢也縱情而挹亦縱情而輸不啻取携之便而已矣亦悖而出又何殊悖出之言之必悖入也噫言之不從致使尤之已甚則民傲民然可悟戕口之必戒專欲難成遂至衆怒難犯則予求予取當思賞盜之有因夫是以平天下者之必絜矩也觀不能絜者之悖則知能絜者之不悖矣吾不禁于古言三致意焉

子曰吾見其居於位也見其與先生並行也

辛開一

同考試官翰林院侍讀學士紀錄五次朱筠 閱 薦

考試官

都察院左副都御史兼佐領稽察左翼宗學紀錄五次

景福 批藻采妄持恰如題分

考試官兵部尚書仍兼管國子監事務陸宗楷 批便便經奇自妙鑿

幼儀有不容或越者聖人爲述其所見焉夫位非童子所居先生非童子可並而今乃居位並行焉子能不念所見而爲之述歟昔闕黨有童

子夫子使之將命而或疑爲寵異之者殆見其  
從容几杖之餘道達賓主之意循循然秩秩然  
而無一節之或違也洙泗之間信多賢者若童  
子由此其選矣子曰凡人之卽目而以爲少所  
覲者必將退而考之以所聞也凡事之入耳而  
可以駭夫聽者亦將進而徵之以所睹也彼童  
子者吾蓋有所見之焉夫旣曰童子則當奉長  
者與爲周旋而在執事無敢失隊者也今夫一  
室之尊卑上下位爲先而吾黨之出入往來行

宜謹試卽以位言之請席何鄉東鄉西鄉南方  
爲上南鄉北鄉西方爲上觀席之有定卽位之  
所不容或踰者也乃因位以思居卽因居以思  
位屬在及門庶皆有德之選矣夫羣居所在五  
人之異席必嚴况其爲童子乎則夫守其請業  
請益之常以赴乎遷琴遷瑟之節者禮在則然  
也胡爲乎而居於位也未嘗醮客以加冠忽等  
登階以著代人之聞之必且憮然矣吾聞衣撥  
足蹶誦記尤凜函丈之尊而茲且不撫席而疑

於賓卽正席而疑於主也其在芄蘭之詩有之  
曰容兮遂兮昔人所非豈獨垂帶之微歟其居  
也固爲吾之所見也已若乃其於行也遭先生  
於道不謂之進則不敢進不謂之退則不敢退  
卽相遇之爲恭知行之有不容或越者也顧因  
行而有與亦因與而有並從於所尊斯尤庸敬  
之至矣夫相長有人五年之肩隨以次而况童  
子之於先生乎則夫謹於向視奉手之細以極  
夫負劍辟咤之宜者亦禮在則然也胡爲乎與  
先生而並行也不凜夫亦步而亦趨若忘乎則  
對而則退先生當此能不哂之耶吾思視正容  
端聞樂早識童心之化而茲何以上於東階而  
與之俱右上於西階而與之俱左也其在城闕  
之章有之曰佻兮達兮我思何已能無子衿之  
感歟其行也又爲吾之所見也已嗟乎古者士  
冠有禮而卽筵之坐惟三若童子之居也夫果  
棄而幼志以有此居也古者少儀有經而入虛  
之心如一若童子之行也其殆不疑在躬以有

此行也子顧以童子之以是為求益來乎

觀水有術必觀其瀾日月有明容光必照

焉

辛開一

同考試官翰林院侍讀學士紀錄五次朱 鈞 閱 薦

考試官

都察院左副都御史兼佐領 稽察左翼宗學紀錄五次

景 福

批想贊披文自遠凡俗

考試官兵部尚書仍兼管國子監事務陸宗楷 批澄心凝慮秀氣成采

聖人之道大而有本可即象以探之焉夫觀瀾

則知水之有本也而日月之照極于容光謂非

本之所在乎是則可以觀聖矣今夫聖人同乎

覆載者也顧載之者不以實而以虛而覆之者

亦不以隱而以顯下之在地有出不窮上之在

天無微不燭然後知聖之所以為聖當必有所

以知之者而奚為望洋而驚歎也耶遊聖門者

同於觀海此以言乎不可以管窺者之不可以

蠡測也久矣顧擬崇高于五嶽踰之非比於邱

陵而絕涯涘于九環望之或形為湍激特未知

觀之者之有術何如耳淵淵者五行之始而生

乾隆三十三年



天成地予以澈兩大之精微故引之而何以卽  
達者滯其迹或未通其微也出泉爲蒙卽著滌  
洞之象而作聖有功涓涓者一息之推而過往  
續來宛然證厥中之授受故察之而何以不舍  
者失之象不若得之意也逝川發歎若鼓洋溢  
之機而會心斯在觀水有術必觀其瀾誠以瀾  
者卽本之所在也夫惟其有本也是以有事于  
河者必先有事于惡池卽其瀾之所見端也且  
夫先王之祭川也必先河而後海明乎本之所

自出也吾聞察乎地理者當知習坎之入于窞  
觀乎天文者又當知重明之麗乎天則夫日月  
所照不又可以觀聖乎而說者以爲觀日月之  
明者必觀容光則何也明之未至者有所及卽  
有所不及而燭火不熄足以明夫一隅焉耳日  
月恒明者也得天而久照夫必其體有足以立  
乎地之外者而其光乃足以行乎天之中也斯  
亦如水之由乎中焉舟楫者有時而窮而水本  
無窮卽駟隙之偶過而曠暝何弗入乎照之未

著者以其所不至卽可量其所必至而啟明先見聊以紀夫始且焉耳日月繼明者也並行而不悖夫必其用實有憑乎天地之中者而其光幾莫究乎天地之外也斯亦如水之無不在焉壺杓者有時而已而水本不已卽鑿壁之所通而輝耀何弗受乎容光必照謂非日月之有明乎然則明者亦本之所在也而與觀水又何異乎夫惟知其有本則易曰游至可推不息之由書曰重光共仰無疆之進而成象成能者又見

其日新而不已也

論

見其大則心泰

辛開一

同考試官翰林院侍讀學士紀錄五次朱筠 閱 薦

考試官

都察院左副都御史兼佐領景福 批精微朗暢

稽察左翼宗學紀錄五次

考試官兵部尚書仍兼管國子監事務陸宗楷 批理境澄徹

凡人之心緣乎識識有高卑則心之憂樂分焉故識量不充則所在適形其隘而無以徵其浩

蕩識量既充則隨在動觀其大而無以召夫憂  
危以是知心因見而達而見之越乎尋常者心  
之悅樂自然而生顧其平時省察克治之功亦  
非易易矣昔周子之論顏子曰見其大則心泰  
可謂窺顏子之深者也吾思維皇降衷下民厥  
有恒性而統性情者心也心爲一身之主萬善  
具備應事不窮原無所謂長戚戚者旣而物交  
物以引之于是心爲形役而聲色貨利誘于前  
則心逐於物而物囿其心富貴得失戰於中則

物勝其心而心蔽於物由是而心之所思者無  
非形氣之私所見者無非卑污之地如是而欲  
心之泰焉不亦難乎顏子則先之以博文理欲  
之辨極其精繼之以約禮義利之界嚴其守一  
私未克則心不安一禮未復則心不快明以察  
幾健以致決乾乾不息正欲全一己之天而克  
完夫心之本量焉爾由是無欲則靜虛有主則  
動直如鑑之空如衡之平物來順受廓然大公  
當是時也舉凡富貴得失之交聲色貨利之境

皆無足以攫其心者而其心獨與天地萬物相  
為流通夫其所見者固已大矣見大則舍之而  
可以藏所謂素位者未嘗終食而或易用之而  
可以行所謂加民者不以斯世為無與浩浩乎  
無入而不自得者悠悠乎窮居而不改其樂者  
也若夫曲肱疏水之中唯顏子能尋其趣沂水  
春風之意唯顏子獨體諸躬是以簞瓢陋巷晏  
如也彼世之戚戚而無以自存者烏知夫所謂  
大者哉然則欲樂顏子之樂者必學顏子之學  
以復其心焉其庶幾矣

第二場

易

純粹精也

吉士璜

署試官員憲憲憲事原詹事兼翰林院侍講學士張會做

閱 薦

考試官 都察院左副都御史兼佐領 景福 批切實發揮  
稽察左翼宗學紀錄五次

考試官兵部尚書仍兼管國子監事務陸宗楷 批勃率理窟

乾有純粹之德更能造於清焉夫純者剛健之

至也粹者中正之極也純粹而造於精焉其斯  
爲乾之大歟今夫理非引伸於無盡則雖形容  
有自亦祇存大畧之觀耳夫選懦不留則內蘊  
之心神自振奇袤已去則中含之德性無淆而  
馴而致之者更無纖慝之藏此以知得一以清  
者卽仰觀而可會已乾有剛健中正之德試更  
思之委靡不可以常存而由中達外神智無能  
振作是卽體用之不伸也而陰柔之弊已祛則  
爲物不貳斷無頹惰之中乘徒倚不堪以自立  
而由後及前性情稍屬乖違是卽靜存之無當  
也而邪惡之端已盡則接而時生何至偏陂之  
交著純者其剛健之至乎粹者其中正之至乎  
夫不貳不參心深劫越愈推愈足契絕纖微靜  
言思之其又純粹而造於精也矣憑虛極擬議  
之勞則分數詳明已驗蘊含之無款而何謂其  
純也何謂其粹也鈎深索隱之餘其與人研窮  
也多矣揭其本量之存渾渾灑灑無自乘間而  
抵瑕則彌綸無間斷非後起之柔暱所得而乘

據實深想像之神則端倪昭著既微層積之有餘而何言乎純也何言乎粹也渺慮澄思之會其窮人觀玩也久矣擬其中藏之蘊純純常常自見深根而寧極則充周不窮又豈外鑠之陰邪所得而入理不造於至細之倪其據于中者猶不極於無復加之域夫精則細無可入者也何則剛健之無可沮者亦既純而不淆矣中正之無可遷者亦既粹而不雜矣德之無體而無方固渾忘夫曉曉易屈皎皎易汙之迹也而體固神完更以各臻其極懸象於胚渾太極之先義不窺夫入神之妙其存諸內者猶難擬以不可到之程夫精則神不可名者也何則純而不已者斯剛健之無撓也粹而不滓者斯中正之無倚也德之有始而有卒自循夫窮則必變久則必通之序矣而離倫絕類由來莫並其能妙合於動靜互根之始是乾之大也猶恐人不能知之所以發揮夫六爻也

有孚惠我德

吉士璜

署醫局總管詹事府詹事兼翰林院侍講學士張曾做

閱 薦

考試官

都察院左副都御史兼佐領稽察左翼宗學紀錄五次

景福批沈實高華

考試官兵部尚書仍兼管國子監事務陸宗楷批爾雅深厚

恩足以逮下而感之者切矣蓋無誠心以布厥德下自不以爲惠也爲君者尙其有孚心以出之乎且凡託我宇下者疇無望恩幸澤之思或屯膏而不下究其爲缺望也多矣德意敷於廟堂休嘉自沐於黎庶其相施者厚而所以相感

者深也益之九五云有孚惠心可不問而知其吉矣不觀其德之既及於人乎力輸將於閭左急公奉上者斷無自以爲利而深藏之也而衆志攸歸畢自獻於春酒躋堂之日布詔令於朝端發政施仁者豈有自以爲私而或靳之也而仁聲所被已倍速於置郵傳命之機有孚誠惠下之心而下有不以我德爲惠者乎澤必流於遠千里而近千里而遙豈卽沛施之曲到夫終歲不製衣則寒終日不再食則飢凡攘往熙來

者顧可使營生之或詘乎宸衷之計畫維殷而  
雞犬桑麻一一利生民之用則養其身家達以  
情性而衢歌巷舞疇不快夫明聖之遭歟恩必  
及於久先庚三日後甲三日當無施濟之不周  
夫補不足者省於春畊助不給者省於秋斂凡  
士依婦媚者豈非生計之有餘乎皇極之敷錫  
有素而溝塍疆畝人人蒙在宥之慈則感以誠  
心報以定志而戶祝里傳誰不切夫尊親之戴  
歟閭閻存忠厚之風保受調賓共有綢繆之志

意而分懸天澤豈無至性相通哉夫一易之田  
二百畝再易之田三百畝凡恐困乏之偶見者  
如是其防維之遠到也而厚澤所流能無謂君  
實生我廊廟發始和之詔慈祥愷悌遂存愛慕  
之心情而象徵風草不已上下同流哉夫小都  
之田任縣地大都之田任畺地凡恐詔祿之不  
供者猶若是計慮之曲至也而感恩不摯能無  
愧我則非人有孚惠我德如是益之時義大矣  
哉



書

詩言志歌永言

邵昌皋

同考試官翰林院編修饒學曙

閱薦

考試官

都察院左副都御史兼佐領稽察左翼宗學紀錄五次

景福批氣疏以達

考試官兵部尚書仍兼管國子監事務陸宗楷批情深文明

樂本於詩可 由其言以驗其節也夫人有志而詩以言之樂之所由作也乃歌之而長短之節生焉典樂者所當驗之於始耳且天地有自然

之元音則必有自然之節奏而人心之動於不能自已者乃寔操乎醞釀之權蓋由中而發亦本天而成故窺諸其微而知興感之有原即成章之無強也如樂固所以教胄子而亦思樂固昉於詩乎吾嘗曠觀造化之流形靜覽氣機之轉運見夫神明鼓動耳可得聞者莫不行乎其所以不得不行止乎其所不得不止遂以成天地之文章而品節於斯寓焉此則人心之朕兆所由分而詩之所由作也且夫詩非徒以尋章摘

句摹寫物情而已也人心之動因言以宣當其情發於中悲愉歡戚來也無端往也無極於是觀韶華而志慨感景况而流連蓋在心爲志而出言有章詩以言志理固然也雖然隱微畢達者詩本道乎性情而長短適宜者詩亦通乎章句苟其信心而發或失之支矢口而陳或形其陋亦安見詩之與樂不相反而相成也哉然吾嘗取其詩而歌之而知永言者之又有可驗矣今夫詩之作也野老無知亦歌衢而効順茅簷有感或擊壤以言懷卽至軒轅矢帝室之音富壽獻封人之祝亦止辭取達意非有繩尺而按節以赴之也然而倡予和汝或節短而韻長言複辭重或一唱而三歎蓋旣形於言則必有不容已之故而原本於志則必有不**容已**之心此自然之妙而樂之本於詩已識其端已要之由微而顯而吐納乃以含音節之元由隱而彰而錯綜又以生陰陽之變觀於聲之依永而詩爲樂本何疑乎

五者來備各以其敘

邵昌皋

同考試官翰林院編修饒學曙 閱 薦

考試官 都察院左副都御史兼佐領 景福 批詮題簡當

稽察左翼宗學紀錄五次 考試官兵部尚書仍兼管國子監事務陸宗楷 批精理明言

庶徵得其宜天事之先見者也夫能備則無所缺矣而其至也又各得其敘焉此非天事之可先見者乎且造物之氣化日流行於兩間而有時於並行不悖之中寓時出當可之意則順氣

成象未嘗不歎天事之無憾焉如雨暘燠寒風之有時也庶徵之目已舉之若此此五者名類極其不齊而交錯於太空皆有寔理以相載故嘗於統宗會元之地獨徵完密之神此五者成象原非異數而迭陳於天壤無非二氣之分形故常於往來屈伸之餘具見網緼之妙蓋五者不可缺也來而備則全矣五者不可紊也各以其敘則順矣生尅者五行之性故一時原無並至之機乃若者為陰之屬若者為陽之分天似

有總數於意中而駭而存之者當其應候而興  
固日見其有卽其成功而退亦不入於虛其全  
備有如此者恒久者一德所充故數事總無岐  
出之變乃若者爲陽勝陰之候若者爲陰勝陽  
之時天若有次第於意中而徐以布之者故往  
者旣過原無滯迹之留來者復續終無凌躐之  
勢其敘順有如此者且夫物不得其宜則相碍  
而陰疑陽戰遂有不能兼擅之行故備者以其  
敘而成者也當其迭起循生原無紛至沓來之  
迹則或補其偏或救其弊惟覺五者之適以相  
濟而不憂紛給之窮抑物不統其原則易息而  
陰翕陽闢遂有歸於紛亂之勢故敘者於其備  
而見者也當其兼總條貫本有循環終始之形  
則參伍以變錯綜其數惟覺五者之有以相涵  
而已盡化工之事如是而物有不育者乎吾知  
庶草且盡含生意矣

詩

蒹葭采采白露未已

黃軒

同考試官部廣東清吏司員外郎加級紀鑾張霽閱薦

考試官

都察院左副都御史兼佐領稽察左翼宗學紀錄五次

景福批清新拔逸

考試官兵部尚書仍兼管國子監事務陸宗楷批文有賦心

物有應候而成者更致感于葭露焉夫蒹葭而日采采則物已成矣而白露且猶未已焉不更重可感乎且凡物之生成有候而大造之被澤無窮惟無所感於中則雖為時屢遷亦習焉不察耳若乃瞻嘉植之紛繁早驗成功于節序而

其所以仰承優渥者方不異于發榮滋長時焉斯覽物之情又有異矣吾能終忘此蒹葭白露乎哉循澤畔以延緣亦遑計霑衣而欲濕而但覺蒼蒼者其容已改予求予取將勤收蓄之謀睇水濱之披拂亦尚疑滴翠以交流而更覺淒淒者其質已成既好既堅愈見涵濡之厚以云采采不其然乎造物之生材靡盡而過時不採則竟罔資利用將徒棄於寒烟蔓草之間夫不聞傳風俗于幽民採掇而預儲夫曲薄乎欣鬱

葱之彌望儼然欲與稼穡同登則此時擷秀情  
深當不似采絲采藍僅望盈茲一劑矣百昌之  
發育何窮而近水尤繁倘其終委泥塗豈非虛  
此雨潤日暄之久夫不聞垂掌故于月令殷勤  
而命彼澤人乎撫搖落以興懷此乃獨與榛苓  
此茂則不禁褰裳欲就殆較之采蕭采葛更爲  
倍切中心矣斯時也秋氣方深適逢落實取材  
之候而露華轉盛猶似津莖潤葉之初其生之  
而成之者白露與有功矣蓋至此則猶未已焉  
以露之因氣而凝也灑灑致美同潤物以無聲  
茲則玉宇澄清還賭沾濡于大地觸緒而知羣  
芳漸老撫時而覺素抱交縈何堪此玩光景者  
之獨處無徒哉以露之乘時而布也涓涓與歌  
每如珠以欲墜茲則蕭晨徙倚尚看厭浥於秋  
空物隨境而屢改其常人易候而思逢其故又  
安禁溯流風者之百感交集哉蒹葭猶是白露  
依然所謂伊人徒悲道遠誠不能不感慨係之  
矣

古訓是式

黃軒

同考試官戶部廣東清吏司員外郎劉綬絕錄次張 霽 閱 薦

考試官

都察院左副都御史兼佐領稽察左翼宗學紀錄五次

景福批典貴裔皇

考試官兵部尚書仍兼管國子監事務陸宗楷批日光玉潔

有所式而德以成古訓之護多矣夫惟古有訓正德之所藉以成也仲山甫而能式之詩所為繼小心而進咏歎嘗思幸生明備之後凡夫本身心以施之家國者靡不有典則之可循自夫

人師心自用往往厭棄乎常經否則又或逞私智以附會其說誣古之譏與蔑古等如是而求其克修厥德蓋綦難哉仲山甫不然儀色之善既於小心徵之矣劫茲在淵衷爾顏胥輯顧勤施是仰尤必資行事合機宜也願與進而考學問之實雍容昭雅範內念彌敦顧倚毗方深不徒誇丰采可畏愛也所貴返而求制作之精今夫古之有訓也典型不遠謨誥昭垂其得諸已者嘉言本於懿行舉之皆有要而有倫其及於

物者新猷載在陳編推之皆可久而可大是亦在後之人能兢兢則倣以無致癡墜耳惟仲山甫本天資之粹美而勵乃純修不必事事求合前經而措施之裕如者應亦不踰夫矩矱乃其抱內念之冲虛而監茲成憲因益覺言言胥歸實用而尊聞之維謹者罔弗求合於先型則又以爲古訓是式云必泥成法以矜能則拘執之愆反甚夫豈無時異勢殊而未容強附者乎惟叅稽有實獲隨在見至意之流通則運用惟精悉已範圍而不過蓋率而由之者爲式神而明之者亦爲式也而德乃見其日新已必薄前言爲粗迹則賢智之過轉深夫豈無稱先則古而動合時宜者乎惟綜核有全功觸處皆準繩之可守斯修明自任用徵庶績之咸熙蓋勤諸爾室者爲式達諸四境者亦爲式也而德彌形其美備已更進觀其威儀是力其學不旣全矣乎

春秋



秋七月 隱公六年

張 珠

同考試官翰林院編修紀錄二次熊為霖 閱 薦

考試官

都察院左副都御史兼佐領 稽察左翼宗學紀錄五次

景 福 批經術湛深

考試官兵部尚書仍兼管國子監事務陸崇楷 批摠詞雅潔

載筆而契天人之理可以觀聖學矣蓋書時而又書七月天人之理備焉聖學之法天不具見於此乎今夫君子後天而奉若其理至精其學至醇要不外乎健行不息而已夫精一者具在

聖心而昭着者莫如歲序王政代乎天工緝熙勤於日月夫子知天知人者也舉其時與月而擊在編年可以見至意之淵微已如秋七月之着在春秋也無事亦書者史之文首時必書者紀之體其故何也曰昭聖學也夫聖學莫如法天而法天莫如合德讀二典之書意在欽若授時之表所以茂時育物而上應乎璣衡者惟此心也春秋取義於歲時寧不敬慎於其際占五紀之協義在雨暘寒燠之先所以惟時惟幾而

潛孚於穆清者惟此心也春秋輔相乎王事寧不鄭重於其文夫月令一書政之宜於秋者多矣而其大要有二曰報本日勤民白露爲霜之日在天之氣化卽孝治所由基秋而載嘗詩有頌焉而紀首時以証乎周禮尤爲建極之源流火授衣之始在天之節序卽豐穰所由徵私而省歛制可稽焉而視七月之冠乎豳風同此求寧之隱觀其書時又書月也聖學不由斯可見乎乾惕者何時可間而際歲華之遞轉則懋勉彌深秋之所宜與七月之所宜皆可思其蘊蓄也居總章而布憲府事具載成規夫子遐思於政舉且殷然而厯告朝之懷矣貞觀貞明貞一合德之昭於易象者以片語而兼該何殊贊化調元綱紀致清和之理昭明者與日俱新而當節候之推移則精勤益勵秋之所行與七月之所行皆可引而體驗也準無射以緩猷經緯胥關主極夫子念切於尊王如穆然而對月吉之書矣惟歲惟月惟日省躬之具於箕疇者卽微

言而流露奚啻君咨臣儆幾康符保艾之麻此  
聖學之所以法天也聖人之情不可見乎

晉候使士句來聘 襄公八年

張珠

同考試官翰林院編修紀錄二次熊爲霖 閱 薦

考試官

都察院左副都御史兼佐領  
稽察左翼宗學紀錄五次

景福 批意覆詞練

考試官兵部尚書仍兼管國子監事務陸宗楷 批有典有則  
晉卿有懷於先烈不愧知禮之名矣此彤弓之  
賜文公受於天子而世守者也士句聞詩而不

忘焉謂之知禮固宜今夫一器一物爲先世所  
珍藏者賢大夫每鄭重而思之非無故也其君  
受恩於夾輔則無忘覲揚其臣尙論乎典型則  
無忘篤棊故因修好而賦詩而所津津樂道者  
猶遠溯夫開國承家以紹茲先烈宜乎聲稱藉  
甚也士句來聘修舊好也維兄弟之無遠譬臭  
味之不殊蓋於燕饗而知其惠顧者殷矣而其  
念茲在茲者尤在因賦詩而不忘乎彤弓也在  
昔襄王嘉踐土會盟之績故典物爰頒叔父以

報其爲王敵愾之勤文公自衡雍入覲之時卽拜賜以示子孫永矢其對揚王休之志至於士句亦傳之而世遠矣雖然此豈非宣子所寤寐不忘者哉蓋彤弓頒於天府最足誌康侯寵錫之榮晉文之至今也幾何年矣方伯有盛烈天子有隆恩已昭然在人耳目卽今者四軍敝楚依然奉王室之聲靈以震疊乎漢水方城之域遵斯道也路車乘馬之儀不及此受言藏之者矣句知晉爲諸侯之長敢不載考前徽爲屏藩之盛舉乎抑彤弓受於王家最足勵宣力效忠之願句之事晉君也非一日矣君無忘豐功臣無忘翊贊已默相喻於隱微卽今日三駕服鄭依然重周室之懿親欲懷柔此咸林溱洧之墟遵斯道也圭瓚秬鬯之錫無加於受言橐之者矣句於晉爲三命之卿敢不勤思職業仰綸綍之榮光乎然則句非數典而忘祖者矣三千三百無煩泛論其辭惟賦詩而思左右之功則聞湛露之恩施如肅然而覩旂常之績然則句非

詢彝器而不知者矣經禮曲禮既已熟聞其要故式燕而厘守官之志則受皇華之策遣實蔚然而爲邦國之光句之知禮誠非虛譽也

禮記

宵雅肄三官其始也

施光輅

同考試官國子監司業朱棻元

閱 薦

考試官

都察院左副都御史兼佐領稽察左翼示學紀錄五次

景福

批詞條豐蔚

考試官兵部尚書仍兼管國子監事務陸宗楷

批激芳六藝

肄宵雅之三所以誘始進者殷矣夫小雅三詩皆居官之辭也而大學之教以此豈非所以誘士之始進者殷哉且自篇章皆肄習之書而忽於皮弁祭菜之餘歌詩以爲多士聽也此何以說蓋始教實端起化之原而來學必藉初基之立國家所以造就俊髦無非儲人材於可用任器使於將來則借雅什以爲誘掖之資而向往有深情庶幾勵進修於不懈也已今夫詩三百篇有四始焉有六義焉何一不爲學者身心之

助而其中有最切於入學之初者莫如小雅之三章是豈取數之多不如取數之少也哉蓋昔先王之播爲詠歌也有其用意之處而不徒較量於比興賦之間使後之人敬而聽之而陶育之神明倍摯而學人之繹此數詩也得其大旨所存而非徒攷訂于風雅頌之體設施教者徐而埃之而詠歌之情性未真然則肄之者何所以鼓舞其始進也鼓舞之者何以鹿鳴四牡皇華皆居官之詩也則肄之之意深矣夫鹿鳴所爲我有吉嘉賓也肄之而燕饗之盛忽往來於胸中則他日之黼黻休明而羽儀乎王國固非士之意外者矣四牡所爲王事靡盬也肄之而事君之忱頓感觸于至隱則他日之馳驅王事而靖獻于朝廷固宜士之熟籌者矣皇華所爲每懷靡及也而使命之任先默課于匡居則他日之專對彤庭而折衝乎樽俎此亦士之分內者矣且夫干祿非所以端風化之原而躁進亦恐以墮潛修之志鉅典躬行之際而卽以論定後

川天不...  
官之事動之以可欲焉則有位為榮得毋有干  
之意存乎而不然也美哉始基特以勸誘振興  
其士氣而底於成就者讀書皆為有用之材則  
何可不肄三而使之思其故英材樂育之區而  
先以任官後爵之辭使之有私慕焉則志存梯  
進得毋有躁之見起乎而不然也慎終伊始特  
以諷詠感發其精神而習于歌吟者澤宮何非  
成德之彥則庶幾乎肄三而得以導其情進而  
觀遜其業收其威而後知大學之教固無弊也

懷忠信以待舉

湯大源

同考試官國子監司業朱燾元 閱 薦

考試官

都察院左副都御史兼佐領  
稽察左翼宗學紀錄五次

景福 批奕奕清暢

考試官兵部尚書仍兼管國子監事務陸崇楷 批優游有餘

忠信者不求舉可以想其所懷矣夫忠信人之  
大節也懷以待舉儒者豈出于有心哉今士  
不敢欺之志以與斯世相酌接夫豈以侈然  
負者純盜虛聲也哉抑知立志無他在人自有

欽崇之隱而在我初無自炫之心抱璞懷珍之下固有自安其所宜而行乎其素者且夫忠信之于人也非立志之君子所當首重者哉証媿修于內美言動何非中悃之流一自浮華相尚天下共矜夫才智誰能於爾室潛修之地而特著真純溯隱志于匡居圭壁自凜禋躬之素一自虛詐相乘流俗日生其變幻誰能于讀書談道之餘而獨存節概乃有人焉志念固已不欺而動作初無外慕蓋所爲懷忠信以待舉者忠信爲行已之大端而抱負在神明自合乎發邇見遠之妙懷之者意不在乎舉也昭曠之天懷祇自安其勿二勿三之本而中孚可以格豚魚无妄亦以消悔吝初非有心以立異而不愧不怍之天入而可以問心者卽出而可以問世一旦下賁弓招知此意可告無媿矣忠信爲持世之大節而盟心在幽獨曰裕乎物來順應之機懷之者並不辭乎舉也纏綿之真意原不同夫小忠小諒之恒故一室凜神明之鑒千秋抱金



石之盟初非有意以矜奇而不見不聞之地窮  
而在下非信果即違而在上有經綸一旦躬居  
廊廟知此意不大遠人情矣是故以舉之不可  
必也豈遂見真無日致終于湮沒而不彰而原  
夫忠信之懷斷不以外至之遭逢難必而因稍  
變其操持待之云者不敢自信之辭也所以不  
字十年儒者有守貞之學問即以舉之或有期  
也亦知實至名歸共欽其中藏之可白而推夫  
忠信之懷並不以一時之賞鑒有人而因自弛  
其真積待之云者夙夜自矢之心也所以靖躬  
爾位儒者無無實之勲名合之力行待取不可  
識儒之能自立者乎

賦得白駒空谷

得心字五言八韻

邵昌皋

同考試官翰林院編修饒學曙 閱 薦

考試官

都察院左副都御史兼佐領  
稽察左翼宗學紀錄五次

景福 批流利清穩

考試官兵部尚書仍兼管國子監事務陸宗楷 批含風茹雅

巖壑

旁求遠足然想足音白駒寧遁跡

黃屋倍關心抱膝思何極還山句獨吟分陰過

隙影秋水憶蹄涔維繫懷人切烟霞結願

深歌詩通雅什寫意託風琴塲藿供朝秣

生芻在晚林金臺方市駿出谷看駸駸

第叁場

策

第一問

邵昌皋

同考試官翰林院編修饒學曙 閱 薦

考試官都察院左副都御史兼佐領景福稽察左翼宗學紀錄五次批洞悉古今

考試官兵部尚書仍兼管國子監事務陸宗楷 批貫穿該洽

古者柱下之官實司紀載而史之各起焉  
前此尚書載典謨訓誥誓命之文為紀傳  
之祖春秋紀魯事而上溯天朝下兼列國  
為編年之祖經也不可以史名也而諸史  
之權輿要莫外乎是然則史不通於經雖  
有良材未稱傑製矣間考紀傳之體司馬

遷始用以作史記其後二十二史皆因之  
顧太史氏之書有本紀有世家有列傳有  
年表有書後之作者或作史不作志或以  
志易書或以畧易志或以譜代表體例各  
殊短長亦互見至若左氏之傳春秋也或  
先經以起事或後經以發明發凡之例有  
三爲例之情有五而其分經之年各從以  
傳竊謂後世大書分注之體約略似之左  
氏以後史材最著班范首稱夫班書人擬  
爲左傳范書自負爲良史則雖荀悅袁宏  
未堪並駕而况元經之作直欲上擬春秋  
其僭妄爲何如自唐以下如杜延業之晉  
春秋畧陳彭年之唐紀范質之五代通錄  
皆以編年紀事而其書純駁參半求其取  
材宏博不戾於經惟涑水通鑑紫陽綱目  
庶幾近之考通鑑之作上自戰國下終五  
代爲卷二百九十四又作目錄考異各一  
編自謂平生精力盡於此書蓋其年經國

緯之昭晰抉摘校訂之精詳芟舊史之繁蕪衷諸家之同異采錄羣書咀華茹寔正史而外廣所搜羅下至稗史家乘殘碑斷碣莫不廣搜博采字訂句勘自承詔旨歷十九年而成書雖以劉貢父劉道原范純甫諸人分司檢校而詳畧在心折衷至當無與比功也惜乎年號以後來爲定識者譏之而寇蜀帝魏尤乖大義至若宋元通鑑之續又不過踵完前事而已其與前書

恐有間也朱子因溫公目錄舉要作通鑑綱目於涑水多所釅正其凡例一册畀門人趙訥齋續成之說者以爲未盡詳謹夫紫陽之書條例盡善而其於唐肅宗直脫二年之事武德至天佑甲子多差則或者編纂非一手故訛誤有不免焉至若商文恪之續綱目又不過續成前緒而已其與前書奚可並道耶夫通鑑之作將以等百世之王垂萬世之法非如載事紀文徒資

該博也然而春秋未經筆削與列國史書無異則知筆削之權非大聖人洵莫與歸矣欽惟我

皇上以天縱之資殫稽今古因明臣李東陽等通鑑纂要簡陋殊甚

特命儒臣編纂通鑑輯覽一書又復

親御丹毫錫以評斷而削曷昷之尊稱斥懷王之僭號明皇未禪則肅宗仍稱太子順帝未北則洪武不得紀元又

特命於明紀之末存福王以終其局大公至正炳若日星垂之後世允爲道法治法之極則蓋史也而實爲經矣又豈操觚握槩儒生之學所能窺見萬一與

### 第二問

鄭陳善

同考試官詹事府左春坊左贊善秦承恩 閱 薦

考試官

都察院左副都御史兼左領稽察左翼宗學紀錄五次

景福 批數典精詳

考試官兵部尚書仍兼管國子監事務陸宗楷 批博通華瞻

且夫學校爲儲才之地崇儒乃起化之原  
粵稽前代有虞氏曰米廩夏后氏曰序殷  
有右學左學周有東膠虞庠凡師氏保氏  
之所教國子庶子之所分以及書升論秀  
三物賓興之制備載於禮經者其文詳矣  
其曰辟廡者鄭康成釋辟爲明廡爲和所  
以和明天下也曰成均者陳祥道謂成其  
虧而均其不及也瞽宗之名卽周禮有道  
德者祭於瞽宗是也漢武帝始建太學置

弟子員而施孟諸儒以及申公轅固韓嬰  
高堂生戴聖胡毋董劉之徒各以占經名  
家嗣後石渠進講虎觀談經彬彬乎稱盛  
矣唐有七館三舍厥後又有司成館成均  
監之設宋初先有監學熙寧四年始立三  
舍之法初入爲外舍遞升內舍上舍齋有  
考選之簿月有考選之日又兼考其行藝  
以爲程式仁宗時安定胡瑗設教蘇湖間  
置經義治事齋以訓迪諸生而體用之學

以明神宗時程子置禮賢等齋得周子所授道學之要發明而光大之而性理之學以著寧宗時朱子欲立分年課試之法并議貢舉惜俱不行明洪武二年定太學生資格由廣業堂遞升至率性堂積分凡八每季三試以經書策論課之及格者銓選與進士等永樂間南北二雍分建太學諸生概以四途曰貢曰舉曰廕曰例至景泰後浸衰矣若夫祭酒之名始于孫卿在齊

爲三老稱祭酒漢夏侯勝爲講學祭酒又有博士祭酒至晉武帝咸寧四年始立國子祭酒一人祭酒之設始此司業之名隋大業三年始置博士秦官也漢武始置一經博士隋始置司丞北齊始置主簿助教仿自魏學錄學正則宋置典簿掌膳則明制也

本朝太學監制官名存其舊設滿漢蒙古祭酒司業助教分課六堂及八旗官學培養

人才振興文教居以官廡給以廩餼士生今日誠千載一時矣今又重修

文廟煥彩宮墻復開館修

皇朝太學志夫明之監志嘉靖三十八年祭酒郭槃所撰也

國朝禮樂錄康熙五十八年祭酒李周望所著也今修輯是書共十五門五十餘類自繪章以終雜識共十五門如

詔諭

睿製載入

繪章門中建學設官廡舍及學署有圖有說分列建置門中廟制

褒崇聖門行畧配享從祀祭品有圖有說分列祀典門中

詣學

臨雍

親祀載入

臨詣門中釋奠釋菜釋褐告祭獻俘蒞官師生



各儀載入禮儀門中樂章樂器樂舞舞生  
有圖有說載入樂律門中

恩眷典守銓除姓氏載入官師門中員額考校  
勲蔭八旗官學算學陪臣載入生徒門中  
甄用八旗考選鄉試進士題名載在選舉  
門中碩師高弟載在人物門中

頒貯校刊載入經籍門中章奏撰著詩賦載入  
藝文門中石鼓古槐景物有圖有說分列  
古蹟門中廩糈歲支恤賚繕葺吏胥載入

經費門中舊章識餘載入雜識門中證類  
分門昭然大備將見鴻章鉅典不日而勒  
有成書槐市諸生靡不鼓舞振興躬際唐  
虞三代之盛於乎懿哉

第三問

邵昌皋

同考試官翰林院編修饒學曙 閱 薦

考試官 都察院左副都御史兼佐領 景福 批原委釐然

稽察左翼宗學紀錄五次 考試官兵部尚書仍兼管國子監事務陸宗楷 批練習時務

井田之法自四邱出甲以上大抵統九十萬井之夫可供萬乘之賦故兵不外求而軍賦自足惜乎古法之不可復矣自漢以後征戍日煩召募日廣於是長從之兵有軍儲之用議國者謀所以裕兵食而安民生則屯政之行其猶有井田之遺意者乎攷屯政之行始於漢盛於唐迄於宋歷代之有利無害而其制則有屯田營田之分蓋一以兵屯一以民屯立法固有異

而漢以兵屯唐以民屯宋則或兵或民因時又有宜也漢自文帝從鼂錯議募民徒塞下實爲屯政之權輿於是昭帝時發習戰射士調故吏將屯田張掖郡而宣帝時趙充國於金城奏上便宜十二事明帝又置宜未都尉屯田以通西域沿及於唐以府兵之制行營田之法最近古意然皆興廢不時措施無法故在中國則行之難久而在邊塞則徒增勞費所入不償所出雖

有良法未見奏功也今者

聖天子神威遠布開闢新疆二萬餘里山南回部山北準部胥入版圖乃於其間大開屯政取古兵屯民屯之法兼而用之大約回部如庫車和闐等城向有田地按額徵賦庫車以東則屯政已行因利乘便無須多力至若準部向皆不知耕種今則開屯之地袤延數千里而以彼中人力與彼中地利山北土曠人稀又移山南回民爲山北

屯戶而綠旗駐防之兵復相助爲理不煩中國之力而膏腴沃壤日就墾闢年來兩賜應候豐收至二十餘分之多天不愛道地不愛寶其明徵也總之地雖遼遠而

聖心所運如在掌握之內故由近及遠次第舉行不疾不徐天下安焉而哈薩克布魯特諸藩國咸奔走臣服通市易以資耕牧則邊用日饒人心更加鼓舞將來客民漸成土著戶口日增億萬衆之生靈億萬年之

樂利胥於此日基之矣夫新疆之地在漢  
為車師前後王國金蒲柳中渠犁輪臺之  
地鄭吉耿恭班勇之流常屯田於此而卒  
不能如今日之一勞永逸則豈非

廟謨廣遠誠有足以包宇宙而邁古今者哉

第四問

張 珣

閱 薦

都察院左副都御史兼佐領景福批擘畫詳明

考試官兵部尚書以兼管國子監事務陸宗楷批通達治體

自古有治人無治法在行之者善與不善  
而已苟不得其道而用之則欲安民而民  
愈不得其安欲除弊而適足以滋無窮之  
弊將所謂戢姦慝以衛善良者愈求而愈  
失不惟失之且更有以甚之是豈古法之  
不可行於今哉蓋不知變通調酌於其中  
而昧以人用法非法能用人之理也所謂  
戢姦安良則保甲是已按保甲之名創自

宋之王安石而其本則權輿於周官大司徒卽漢制亦有掌巡禁司姦盜編什伍以檢察善惡之法蓋去舊里者必告入新疆者不容卽地官氏使里無閒民民無游業居則勸功樂事出不游手未作之意也唐制之六正亦以督察姦非也宋循唐制而弊益滋韓魏公等患之豈無謂哉在安石立議之始文彥博馮京亦嘗非議之然卒莫能廢其法後世且多踵其制而行者其

法之善不有明證歟初管子行軌里連鄉之政而齊治朱博擇豪傑爲吏責辦盜賊而渤海治韓延壽治潁川置正五長有竊發吏輒聞知凡此無保甲之名而陰收其實者也迨明王陽明治南贛行十家牌法一家有犯並及九家及其撫江西也令九姓漁戶什伍編次盜賊斂跡百姓安堵夜戶幾可不閉此又得保甲之實者卽不仍其名未始不可也今各直省辦理之法未

嘗不周而州縣能破大案及拿獲隣省要犯者送部引

見莫不仰邀

聖恩陞擢而三年計典卓異者亦必以立行保甲爲課最顧或有行之不得其效者何哉蓋由於牧令之不能信賞必罰而委任之不得其人也亦以窩線容留之不究治其罪也每見充捕役者多係屢經犯竊之人在各州縣謂此等人易識此等人而不知

昔與同類情旣可徇有贓共分利復可啖毋論不果賞也卽賞矣而未如取諸盜者可恃以爲常卽罰亦止於杖比比之稍嚴羣盜轉將憐而相助且不至誣良焉不止事之不能濟者此其一也宵小之輩恃捕役而捕役則內恃書吏外與甲地串通甲地有不附者必有以中之因不能不聽其指揮窩留者多則案愈難以破朋比爲奸足以使保甲之不行者此又其一也誠使

親民之官慎擇有身家之人以充補而又  
嚴窩家連坐之法既無參賊之人亦無窩  
匪之地將以民治民而厥效著矣由此正  
人心而厚風俗則兩漢循良之化三古聯  
計之法不可再見也歟

第五問

邵昌皋

同考試官翰林院編修饒學曙 閱 薦

考試官

都察院左副都御史兼佐領  
稽察左翼宗學紀錄五次

景福批了如指畫

考試官兵部尚書仍兼管國子監尹務堡宗楷批占對條暢

周官遂人之法專司溝澮稻人之職掌治  
下地而春秋傳亦言町原防規偃瀦水利  
之興由來尚已直隸古冀北燕趙之地土  
浮而水剽疏濬隄防之法誠不可一日不  
講也間攷全省大川有八衛水發源於烏  
鼠同穴漳水分清濁衡漳之名見於禹貢  
滹沱見周禮禮記亦曰惡池桑乾古治水  
見漢書易水見周禮及戰國策白河一日

潞水在古爲鮑邱水而今則爲北運河樂  
河古濡水與白河俱見水經注竊聞京南  
北之水衛白爲綱而入衛之水滹沱爲綱  
入白之水四角河渾河爲綱而自角河至  
天津海河其間東淀西沽隄塘閘壩在在  
都有以利啟閉以備旱澇故燕南趙北之  
地沃野數千里鄭白之沃衣食京師洵神  
皋奧區所謂天府也夫古之治水於此者  
大鼎之所開濬承矩之所建築旣班班可  
攷矣其他若狐奴口車箱渠督亢渠遺績  
猶有存者而汪應蛟之開水田及徐貞明  
潞水客談所載亦皆法良意美有可採擇  
者也然而水性變遷古今易地疇日闢  
灌溉逾難苟非因時制宜相機行事何以  
利民生而資捍禦也哉卽如子牙在滹沱  
下流向嘗築長隄開支河以爲防護而河  
流近復南徙諸支或漸淤或別出揆諸數  
十年以前已有不可概論者我



皇上衡鑒在心源流悉照

詔改支河爲正河改正河爲支河

駕幸天津以觀成事又別築雙港閘於灰堆白塘二閘之間而

躬莅乎海河之隄上以格淀隄舊至臺南西南

而止西至千里長隄中無隄岸爰

命接築以建全功復以北運河之宣洩盛漲惟

憑減水而舊壩太高導流未暢乃

詔改爲陂陁以殺水勢凡此者於天時地利人

事之宜無不因勢利道奏厥豐功而又歲

修月講隨時經理守土諸臣能盡力奉行

將見河流永奠豈有鬆沙剽性之虞腴壤

豐收兼多蜃蛤魚鹽之利甸服之內家慶

熙穰人歌樂愷水利之興萬世之福也猗

與盛哉

順天鄉試後序

乾隆三十有三年歲屆賓興禮臣以順天

考官請

皇上特命

臣陸宗楷

典試事而以

臣景福

貳之

臣伏自念才質庸陋由乾隆十七年進士

蒙

聖恩拔置詞垣屢膺校士之任奉職兢兢惟恐

隕越本年四月

特授都察院左副都御史

殿堦召對

訓諭周詳今復仰承

恩命衡文首善之區臣敢不殫心滌慮矢慎矢

公以期無忝厥職爰與臣陸宗楷入闈率

同考諸臣悉心校閱得士如額擇其文尤

雅馴者恭呈

御覽臣例得綴言簡末臣竊惟文以載道言之

無文行而不遠古聖賢所以扶世翼教之

道莫不於文焉寄之載記有云溫柔敦厚

詩教也疏通知遠書教也廣博易良樂教

也潔淨精微易教也恭儉莊敬禮教也屬

辭比事春秋教也六經垂訓其事皆日用

倫常其言皆布帛菽粟非有驚奇立異之

論而微言大義足以垂萬世而不磨後之

學者體會聖經紬繹傳註息心靜氣而後

微有得焉臣伏讀

天章志賢聖志應須立言孔孟言大是難煌煌

典訓雲漢為昭所以紹洙泗之心源示儒林之

準則而範斯世於蕩平正直之塗者皆於  
是乎在維茲畿輔之地涵濡

化澤

文治日新合六字人才盡觀光于

輦下是以解額之多倍過於外省詩曰邦畿  
千里惟民所止易曰觀乎人文以化成天  
下闢門顓俊之典三年大比既於各直省  
拔其尤復於順天鄉試蒼萃而搜羅之士  
生斯世當無不爭自濯磨以仰副

聖主壽考作人之化者

臣

職司校閱亦藉是以

竭盡寸心時凜冰淵之戒也夫

都察院左副都御史兼佐領稽察左翼宗

學紀錄五次

臣

景福謹序





